



Igl premi per Hassler Energia: Kurt Frei (Flumroc), Raphaela a Rolf Maibach (Partenadi svizer digl HAS), Marc Bättschmann, (BS2), Christian Hassler, Christoph Baumann, Patrick Hofer-Noser (3S Solar Plus). FOTO AGENATURA SOLARA SVIZRA

La Hassler Energia SA gudogna igl premi solar

■ (cp) A Geneva en dacurt vagnieus surdos igls premis solars 2019 ad igls Norman Foster Solar Awards. Cun egn premi solar e ear vagnieu undro Christian Hassler da la Hassler Energia da Ziràn. *Christian Hassler*, igl fundatur da la Hassler Energia Alternativa SA da Ziràn, e vagnieu undro ansemel cuagl Partenadi svizer digl Hôpital Albert Schweitzer (HAS) da Haiti pigl project d'energeia solara agl spital par unfants a Deschapelles a Haiti, initzgieu da dr. *Rolf Maibach* da Gliànt. Parquegl ca Hassler à realiso là egn andrez solar par produtgear energeia futurevra e el

vagnieu undro cuagl renumo Premi solar svizer. Igl Partenadi svizer digl HAS e egn'uniùn domiciliada a Gliànt. Ella à radund 400 cumembers a sponsurs ca sustegnan igl Hôpital Albert Schweitzer a Deschapelles.

Durànt igl sieus angaschi voluntari digl on passo à Hassler instalo egn andrez solar segl tetg digl Hôpital Albert Schweitzer ad à mess an funcziùn novs acumulaturs par arcunar l'energeia solara. Antras quell'instalaziùn pardi-revra e'gl vagnieu pussevel da ramplazar igl curaint electric custus ca vagneva produtgieu antoc'alura cun generaturs da die-

sel. Quels caschunavan custus annuals da 350'000 frànchs. Egn sistem da batarias da 464 kWh stabilisescha ussa par 100% la ret electrica seglmain durànt igl gi. Que andrez fotovoltaic e egn project exemplaric par substituir generaturs da diesel cun andrez solars an la regiùn sulegliva da la Caribica near da l'Africa.

An tut e'gl uon vagnieu cum-partgieu tredesch premis solars a personalitads ad instituziùns par bietgs novs, sanaziùns a par andrez solars. Hassler e vagnieu undro cuagl Premi solar par la sia lavur da pionier gea igls ons 2000 a 2015.